

職方典第四百二十七卷

河南府部彙考一

河南府建置沿革考

通志

本府

禹貢豫州之域周武王克殷定鼎於郊鄩成王卜澗水東瀍水西而宅府屬河南道五代梁改水東遷殷民居之號曰下都至平王自鎬京東遷乃居王城秦於此置三川郡漢置河南郡東漢都之卽下都故地改爲河南尹屬司隸曹魏置司州領之晉亦都此仍置河南尹而司州治如故其後淪沒於苻秦改爲豫州劉宋取之復置河南郡後魏自代徙都之亦爲河南尹東魏改尹爲郡以洛州刺史領之西魏因之屬司州北齊爲洛州後周爲東京隋煬帝始徙都於河南縣卽王城故地仍爲河南郡唐廢都復爲洛州置都督府高宗復爲東都武后改曰神都元宗改曰河南府屬河南道五代梁改西都唐改東都晉改西京宋仍舊金爲中京金昌府元爲河南路總管府明洪武元年改路爲府

皇清因之領州一縣十三

洛陽縣

附郭

周爲東都以地居洛水之北故曰洛陽秦於此置河南縣屬三川郡漢析置洛陽縣屬河南郡東漢改郡爲尹縣屬如故三國魏改尹爲郡省河南縣入洛陽晉復置河南縣屬河南尹南北朝劉宋二縣俱屬河南郡後魏仍屬河南尹東魏改河南縣曰宜遷縣屬河南郡洛陽縣屬洛陽郡後周復改宜遷縣爲河南縣以洛陽省入隋開皇初復置洛陽二縣並屬河南郡唐神龍二年更洛陽曰永昌縣景隆元年復故名宋熙寧五年省洛陽入河南元祐二年復置金正隆二年省河南入洛陽屬金昌府元屬河南路明屬河南府

皇清因之編戶八十六里

偃師縣

上古帝嚳所都之地商成湯盤庚俱都此號曰西亳周武王克商還息偃師後遂以爲名秦爲三川郡地漢始置偃師縣屬河南郡東漢因之屬河南尹晉省入洛陽縣南北朝俱廢隋開皇

十六年復置仍屬河南郡唐屬河南府河南郡宋屬河南府金屬金昌府元屬河南路明屬河南府

皇清因之編戶五里

鞏縣

周鞏伯邑顯王二年西州惠公封少子班於鞏號爲東周漢始置鞏縣屬河南郡東漢改郡爲尹縣屬如故三國復改尹爲郡晉仍置尹南北朝劉宋屬河南郡東魏改屬成皐郡北齊因之隋屬河南郡唐屬河南府河南郡宋屬河南府金屬金昌府元屬河南路明屬河南府

皇清因之編戶一十里

孟津縣

漢爲孟津關晉改爲富平津唐置河清縣屬河南府河南郡宋開寶元年徙治白坡鎮金初徙治孟津渡始改爲孟津縣屬金昌府元屬河南路明屬河南府

皇清因之編戶八里

宜陽縣

周爲召伯聽訟之所漢始置宜陽縣屬弘農郡東漢因之三國魏析置甘棠縣屬新安郡尋復舊晉屬弘農郡南北朝劉宋因之東魏置宜陽郡治此後周改宜陽曰昌洛縣隋大業初復爲宜陽屬河南郡唐武德二年改爲福昌縣屬河南府河南郡宋熙寧五年省入壽安縣元祐元年復置金復改爲宜陽縣屬金昌府元屬河南路明屬河南府

皇清因之編戶八里

登封縣

夏禹避舜子於陽城卽此漢置陽城密高二縣屬潁川郡東漢省密高入陽城晉屬河南尹南北朝後魏屬陽城郡東魏析置堽陽縣隋開皇六年改堽陽曰武林縣大業元年復改曰嵩陽與陽城並屬河南郡唐貞觀十七年省嵩陽入陽城光宅元年始改陽城爲登封屬河南府河南郡宋屬河南府金屬金昌府元屬河南路明屬河南府

皇清因之編戶一十里

永寧縣

漢晉俱爲澠池縣之西南境南北朝後魏置嵕縣屬弘農郡西魏置北宜陽縣尋改爲熊耳縣屬宜陽郡後周屬同軌郡隋義寧二年徙治永固城始改曰永寧縣屬河南郡唐武德二年又移治同軌城屬穀州後屬河南府河南郡宋屬河南府金屬嵩州元屬河南路明屬河南府
皇清因之編戶六十五里

新安縣

周春秋時爲西周地秦名其地曰新安漢始置新安縣屬弘農郡東漢因之晉屬河南尹南北朝劉宋屬河南郡東魏置新安郡又析置東垣縣並屬焉隋仁壽四年省新安入東垣大業初復改東垣爲新安屬河南郡唐武德元年復析置東垣縣尋省入焉屬河南府河南郡宋屬河南府金屬金昌府元屬河南路明屬河南府

皇清因之編戶六里

澠池縣

周戰國爲韓地秦昭王二十年會諸侯於澠池卽此漢始置澠池縣屬弘農郡以地在崤澠之間故名東漢因之三國魏徙治蠡城晉屬弘農郡南北朝劉宋仍舊後魏置澠池郡治此後周屬同軌郡西魏屬河南郡隋唐初屬穀州貞觀元年改屬河南府河南郡宋屬河南府金陞爲韶州元至元八年廢州復爲縣屬陝州明改屬河南府

皇清因之編戶二十五里

嵩縣

夏爲伊闕地周爲周公聽訟之處後秦晉遷陸渾之衆於此漢置陸渾縣屬弘農郡東漢因之晉屬河南尹南北朝東魏置伊陽郡以縣屬焉隋開皇初廢郡改縣曰伏流大業初復曰陸渾屬河南郡唐屬河南府河南郡五代以陸渾省入伊陽宋紹興初爲順州金改嵩州以在嵩岳之西故名元仍舊明降州爲縣屬河南府

皇清因之編戶一十里

廬氏縣

周爲西虢地漢因盧敖得仙於此始置盧氏縣屬弘農郡東漢因之晉屬上洛郡南北朝劉宋仍屬弘農郡東魏改屬金門郡隋初置虢州治此後屬弘農郡唐武德元年復屬虢州弘農郡宋金俱屬虢州元屬嵩州明初屬陝州弘治四年改屬河南府

皇清因之編戶八里

陝州

周爲西虢地武王封王季子虢仲於上陽卽此成王以周召爲二伯陝以東周公主之陝以西召公主之春秋晉人滅虢遂有其地晉分入於韓秦屬三川郡地漢置陝縣屬弘農郡東漢三國魏晉南北朝劉宋皆因之後魏始置陝州以縣屬焉隋大業初州廢縣屬河南郡唐武德元年復爲陝州乾元元年改爲陝郡宋復置陝州保平軍金元俱爲陝州以陝縣屬之明以陝縣省入陝州屬河南府

皇清因之編戶二十二里領縣二

靈寶縣

周武王放牛桃林之野卽此秦於此置函谷關漢置弘農縣屬弘農郡東漢三國魏晉南北朝
劉宋皆因之後魏改置西弘農郡以縣屬焉後周郡縣俱廢隋大業初復置弘農郡治縣如故
唐天寶元年獲寶符於古函谷關始改曰靈寶縣屬陝州陝郡宋屬陝州保平軍金元俱屬陝
州明屬河南府陝州

皇清因之編戶三十里

閿鄉縣

上古爲鼎湖地漢置湖縣屬京兆尹東漢改屬弘農郡晉因之南北朝後周於湖城故地置閿
鄉郡隋開皇初廢郡始改爲閿鄉縣屬河南郡唐貞觀初置鼎州又析置湖城縣尋廢州以二
縣俱屬虢州弘農郡宋屬陝州保平軍金屬陝州元至元二年省湖城縣入焉明屬河南府陝
州

皇清因之編戶一十六里



河南府疆域圖

濟源縣界

汜水縣界

伊陽縣界



山西界



本報

華陰縣界

河南府疆域考

通志府州縣志合載

本府

東至開封府鄭州汜水縣界一百七十里 西至陝州西安府華陰縣界四百九十里又至

潼關五百里 南至汝州伊陽縣界九十里 北至懷慶府濟源縣界七十里 東南

至汝州界八十五里至汝州一百六十里 東北至孟縣界七十里 西南至 西北

至 東西廣六百六十里南北袤一百六十里由府治東至省城四百二十里東北至

京師一千八百里

洛陽縣 附郭

東至偃師縣界三十里至偃師縣七十里 西至新安縣界四十里至新安縣七十里

南至嵩縣界七十里至嵩縣一百六十里 北至孟津縣界三十里又至濟源縣界四十里

東南至汝州界八十五里至汝州一百六十里 東北至孟津縣界四十五里至孟津縣五

十里 西南至宜陽縣界四十里至宜陽縣七十里 西北至平陸縣三百八十五里

東西廣七十里南北袤一百五里由縣治至省城達

京師與府治同

偃師縣

東至鞏縣界二十五里至鞏縣六十里

西至洛陽縣界三十五里至洛陽縣七十里

南至登封縣界五十五里至登封縣九十里

北至孟津縣界三十里又渡河至懷慶府孟

縣五十里

東南至登封縣界五十五里至登封縣九十里

東北至溫縣界八十里

西南至宜陽縣界一百四十里

西北至孟津縣界四十五里

東西廣七十里南北袤

八十里自縣治西至府城七十里東至省城三百六十里東北至

京師一千七百四十里

鞏縣

東至汜水縣界二十五里至汜水縣四十里

西至偃師縣界三十里至偃師縣六十里

南至登封縣界六十五里至登封縣一百二十里

北至溫縣界一十五里至溫縣二十五

里 東南至滎陽縣界六十里至滎陽縣八十里 東北至汜水縣界四十里 西南

至登封縣界八十里 西北至孟津縣界七十里至孟津縣八十里 總廣一百里袤一

百二十里自縣治西至府城一百三十里東至省城二百八十里東北至

京師一千八百里

登封縣

東至密縣界四十五里至密縣七十里 西至洛陽縣界一百里又至偃師縣界六十里

南至汝州界五十里至汝州九十里 北至鞏縣界四十里至鞏縣一百二十里 東南

至禹州白沙界六十里至禹州一百二十里 東北至密縣界三十五里又至滎陽縣一百

二十里 西南至 西北至 總延一百六十里袤九十里由縣治西北至府城一百

四十里東至省城二百八十里東北由滎澤縣至

京師一千七百里

嵩縣

東至伊陽縣界五十里 西至盧氏縣界二百八十里 南至鎮平縣界二百八十里又
至伊陽縣界五十里至伊陽縣九十里 北至宜陽縣界四十里至宜陽縣九十里 東
北至洛陽縣界九十里 東南至伊陽縣界 西北至永寧縣界 西南至盧氏縣界
二百里至盧氏縣三百里 廣五百里袤三百里由縣治東北至府城一百六十里又東北
至省城八百八十里又東北至

京師一千九百六十里

宜陽縣

東至洛陽縣界二十五里至洛陽縣七十里 西至永寧縣界九十里至永寧縣一百一十
里 南至嵩縣界四十五里至嵩縣一百一十五里 北至新安縣界二十五里至新安
縣五十里 東南至嵩縣界四十里至嵩縣一百一十七里 東北至洛陽縣界二十五
里至洛陽縣七十里 西南至嵩縣界一百六十里至嵩縣二百二十里 西北至澠池
縣界八十五里至澠池縣一百一十里 南北廣七十里東西袤一百一十五里自縣治東

北至府城七十里又東北至省城五百里又東北至

京師一千九百里

永寧縣

東至宜陽縣界二十里至宜陽縣一百一十里 西至盧氏縣界一百二十里至盧氏縣一

百六十里 南至嵩縣界八十里至嵩縣一百四十里 北至陝州界六十里至陝州一

百六十里 東南至 東北至 西南至 西北至 東西廣一百四十里南北

袤四十里自縣治東北至府城一百八十里東至省城六百里東北至

京師一千九百八十里

盧氏縣

東至永寧縣界五十里至永寧縣八十里 西至陝西洛南縣界一百五十里 南至內

鄉縣界三百里 北至靈寶縣界八十里至靈寶縣二百里 東南至嵩縣二百八十里

東北至陝州二百四十里 西北至閿鄉縣二百里 西南至商州五百里 東西廣